

佛頂尊勝陀羅尼經

唐朝散郎杜行顥奉制譯

稽首一切智

如是我聞一時佛在舍衛國祇樹給孤獨園與大比丘衆八千人俱菩薩三萬二千逮得正智照明諸法於知所知了無罣礙其名曰觀自在菩薩得大趣菩薩彌勒菩薩文殊師利童真菩薩蓮華勝藏菩薩手金剛菩薩持地菩薩虛空藏菩薩除一切障菩薩普賢菩薩而爲上首如是等三萬二千菩薩摩訶薩衆復有萬梵摩天善吒梵摩而爲上首從餘生界來詣佛所俱在會集復有萬二千諸釋天衆與無量天龍夜叉乾闥婆阿脩羅迦樓羅緊那羅摩睺羅伽人非人等俱來在會爾時聖尊四衆圍繞恭敬供養而爲說法時三

十三天善法場中有天名善住處大寶宮盛縱歡樂妓麗侍奉嬉戲馳遊觀覽娛情悉暢所欲忽夜有聲呼天善住汝終期至七日當死七生閻浮入於地獄後或爲人貧窮生盲受諸苦惱善住聞已恐怖驚惶毛豎憂愁急詣釋提桓因莫三天帝之所前禮帝足荒懼白帝請帝垂哀救我苦厄救我苦厄我受天樂縱心適意忽有聲言七日命終七生閻浮當入地獄後或爲人貧窮生盲受諸苦惱我今煩惱心迷識亂計不知出唯帝悲愍拔救苦毒釋提桓因聞是語已深懷怪悼云何七生默寂須臾遂見善住於此命終便受豬身豬身畢已受於狗身狗身畢已受於狐身狐身畢已受於猴身猴身畢已受毒蛇身蛇身畢已當受鷲身鷲身畢已受於鳥身如是七生恒

食穢惡釋提桓因見是事已深哀善住當受
大苦何計何從誰能救濟作是思惟唯除如
來阿羅訶三藐三佛陀無能救者於是天帝
其夜後分賫諸華鬘種種諸香末香燒香天
衣瓔珞諸莊嚴具詣於祇林佛聖尊所頂禮
雙足右遶七帀大供養已便於佛前一面而
坐以善住事具白聖尊其時如來頂放大光
其光雜色流照十方一切生界還至佛所右
遶三帀從佛口入佛遂微笑告釋提桓因有
佛灌頂清淨諸趣佛頂尊勝陀羅尼淨除一
切業障地獄畜生閻摩盧迦生死苦惱破地
獄道昇於佛路天帝此清淨諸趣佛頂尊勝
陀羅尼但聽聞者生死相續一切業障種種
苦患咸悉消滅當獲善果得宿命智從一佛
國生一佛國從一天中生一天中乃至三十

莫三

十一

三天宮常知宿命能習持者現百年限更增
其壽身口意淨心寧適樂身苦咸除獲諸善
觸諸佛觀視諸天衛護一切菩薩慈愛繫念
讀誦之者一切地獄畜生閻摩盧迦及諸餓
鬼息除消散境域空虛一切佛刹菩薩天宮
咸闢福門導之令入於是釋提桓因前白佛
言聖尊憐愍攝護一切衆生唯願爲說清淨
諸趣佛頂尊勝陀羅尼爾時聖尊受天帝請
即說陀羅尼曰
南謨薄伽婆低唵嚩盧吉夜
羅^{上音}底^{都里切}毗^{上音}始瑟吒夜^{下同}勃
陀^{上音}夜^{三云歸命聖}恒姪^{徒列切}他^二烏牟^{半音}
毗輸陀^{上音}夜麼麼^{四麼麼云某甲受}娑^{上音}
曼多瞞^{上音}婆娑^{上音}跋^{上音}巨^二囉^{上音}拏^{上音}伽底
伽^{上音}訶^{上音}那瓊婆^{重瞞上音}舜^{入提}五阿^{上音}毗

重上音 瑟者夜合二素上音 伽上音 多上音 婆上音 者那蜜
重上音 瑟者夜合二素上音 伽上音 多上音 婆上音 者那蜜
合二多毗上音 訖訖切 訖訖切 訖訖切 訖訖切 訖訖切
阿訶囉上音 阿愈珊陀重上音 羅上音 尼上音 輪陀
上音 夜輪陀重上音 夜九伽上音 伽上音 那毗上音 舜
入提重上音 烏瑟尼合二沙切 毗上音 闍上音 夜舜入
提重上音 娑訶上音 娑囉上音 濕耳三朱
長上音 地低上音 薩囉瞞上音 多上音 他伽上音 多地
呼上音 瑟姤二合 那地重上音 瑟社低上音 阿上音
重上音 瑟姤二合 那地重上音 瑟社低上音 阿上音
地哩合二跋闍囉上音 迦夜僧訶上音 多上音 那上音
舜上提重上音 薩囉瞞合二瞞上音 瞞上音 毗上音
舜入提重上音 鉢囉上音 夜你夜多上音 婆上音
夜六阿愈舜入提重上音 娑摩耶切 他重上音 地重上音
瑟社合二低上音 麼你麼你麼麼你九十多上音 他上音
多菩重上音 多俱知上音 跛利上音 舜入提重上音 毗上音
娑普合二吒上音 乳地音 舜提重上音 一闍上音 夜闍上音

夜二十毗上音 闍上音 夜毗上音 闍上音 夜三十娑麼
合二囉上音 娑麼合二囉上音 勃陀地重上音 瑟社合
多上音 舜入提重上音 跋闍囉上音 跋闍囉上音 揭
囉韞重上音 跋闍囉上音 娑瞞上音 瞞上音 瞞上音
受持者於此自稱名麼訶耶那上音 鉢囉上音
婆上音 迦夜毗上音 舜入提重上音 薩囉瞞上音
伽上音 底跛利舜入提重上音 薩囉瞞上音 多伽
多娑上音 摩成阿二娑地重上音 瑟社低上音 勃
陀重上音 夜合勃陀重上音 夜十一毗上音 菩長陀重上音
夜三十娑上音 曼多跛利上音 舜入提重上音 薩
囉瞞上音 多上音 他伽上音 多地重上音 瑟姤切
合那地重上音 瑟社合二低上音 莎訶上音 瑟姤切
者從四聲法借音讀注半音者半聲讀注二
合者半上字連聲讀注重者帶喉聲重讀注
長者長聲讀注切者從切借音讀注
利蘆栗黎藍等字傍加尸者轉聲讀
天帝此清淨諸趣佛頂尊勝陀羅尼淨諸罪

障除諸惡趣八十八俱胝百千恒河沙諸佛
所共宣說守護喜讚一切如來智印印之爲
除一切衆惡趣故一切地獄畜生閻摩盧迦
諸罪惡類沉溺苦海受諸痛毒爲解脫故爲
諸短壽薄福下陋卑賤惡業諸衆生故趣於
地獄種種生類夭折失心亡背正路諸衆生
故說此陀羅尼行閻浮提淨除罪業令歸解
脫天帝汝當持此尊勝陀羅尼爲善住說當
爲閻浮衆生諸天天子一切含識宣揚讀誦
思惟習念恭敬供養受持修行我今以陀羅
尼印教約付囑天帝汝當善持聞此陀羅尼
者百千劫中所積業障咸得清淨不墮地獄
不生畜生閻摩盧迦餓鬼惡趣不受阿脩羅
夜叉羅刹及富丹那迦吒富丹那癩等鬼神
之身乃至犬龜鳥獸蚊蚋毒蛇腹行之類并

諸小蟲不復更受恒與佛俱或生菩薩勝族
或生婆羅門大姓刹利大姓居士大家以此
陀羅尼力得清淨生至坐菩提獲正遍覺天
帝此清淨諸趣尊勝陀羅尼威神廣大具大
功果有大力能是大吉祥如日藏寶珠皎潔
無垢淨若虛空所在之處光明照朗此陀羅
尼所置之處威神洽被亦復如是持此陀羅
尼者一切罪惡皆不能染柔和潤澤清淨無
垢如閻浮檀金書寫讀習誦念供養受持修
行此陀羅尼者當知此處地獄業除諸趣咸
淨書此陀羅尼安置幢上樹於高山或高屋
上及餘高處或浮圖中若比丘比丘尼優婆
塞優婆夷善男子善女人等見此陀羅尼幢
若近幢若幢影露身若幢風吹身或爲幢風
飄塵著身罪業便消不生地獄畜生閻摩盧

迦餓鬼阿脩羅中不墮諸惡趣一切如來諸

莫三

十四

佛當與授記得不退轉至登正覺以種種華香種種諸鬘種種幢繖蓋瓔珞諸莊嚴具并諸塗飾修大供養於四衢道造塔安置此陀羅尼行道頂禮當知此輩是摩訶薩佛之法子法之梁柱舍利之塔爾時閻摩法王其夜將曉來詣佛所以種種天華種種諸香雜香燒香天衣瓔珞修大供養右遶七帀頂禮佛足白佛言聖尊我知佛恩非不知恩今爲報佛恩故擁護一切常勤奉事此大威力大功德陀羅尼閉地獄門淨諸惡趣爾時四天王遶佛三帀前白佛言唯願聖尊說此陀羅尼修行之法佛告四天王諦聽諦聽我今當說若有命短求長壽者當於白月十五日澡浴清淨著淨潔衣受八戒齋誦此陀羅尼千

遍諸障便除病愈壽增獲大安樂地獄畜生諸惡趣苦咸悉解脫乃至畜生諸惡趣類耳得聞此陀羅尼者便復不受惡趣之身嬰纏重病者病皆消散諸趣清淨命終之後生現樂界蓮華化生不受胎藏常知宿命若諸衆生罪業所牽命終之後生於惡趣應以此陀羅尼呪土二十一遍散其體骨之上隨其所生若地獄若畜生或閻摩盧迦或餓鬼趣乃至阿鼻地獄禽獸蟲蟲咸謝苦身生天受樂日日誦此陀羅尼二十一遍罪滅福增衆人愛敬命終之後生極樂國若常念持此陀羅尼命終之後生諸淨土從一佛國至一佛國一切佛刹作大光照常與佛俱諸佛護育而與授記乃至獲證大涅槃樂修行此陀羅尼者當作方壇四面正等散種種淨華燒種種

莫三

十五

香右膝輪著地長跪一心普念十方一切諸

佛作合十指爪印當於心上二頭指二大拇

指各相屈按稱娑度云善哉誦此陀羅尼一百

八遍即爲供養承事八十八俱胝恒河沙那

由他百千諸佛如佛供養而作供養亦爲供

養四大天王一切讚善稱是佛子以大菩提

莊嚴其心獲無礙智凡欲誦念此陀羅尼者

皆當至心如法作合十指爪印是爲修行陀

羅尼法佛告釋提桓因天帝當以此法救除

衆生地獄諸趣一切苦惱淨諸趣業獲長壽

果天帝當還可授善住天子此陀羅尼滿七

日已汝共善住來至我所釋提桓因受佛教

已還於天宮以此佛頂尊勝陀羅尼授善住

天子善住受已修行供養六日六夜爰至七

日諸惡趣業皆得解脫居天福處獲大長壽

歡喜踊躍大聲唱言阿呼佛陀耶阿呼達摩

耶阿呼僧伽耶阿呼毗耶二合陀羅尼救拔衆

生一切苦厄令我得脫諸惡趣苦爾時天帝

釋提桓因部屬侍遶將善住天子賫種種華

香燒香塗香并種種鬘蓋繖幡幢衣服瓔珞

乘天寶輅備天莊嚴來至佛所作大供養右

遶萬匝便於佛前一面而立頌讚佛已退坐

聽法佛伸金色右手慰護善住而與授記

佛頂尊勝陀羅尼經

音釋

羝都奚切鑠書藥切敬去奇切癩利年切蚊無蚊切

分切重繖蘇明切蓋也